

入祭唱	Réquiem ætérnam dona eis, Dómine: et lux perpétua lúceat eis. (Ps. 64: 2, 3) Te decet hymnus, Deus, in Sion, et tibi reddétur votum in Jerúsalem: exáudi oratióem meam, ad te omnis caro véniet. Réquiem ætérnam dona eis, Dómine; et lux perpétua lúceat eis.
キリエ	Kýrie, eléison. Kýrie, eléison. Kýrie, eléison. Christe, eléison. Christe, eléison. Christe, eléison. Kýrie, eléison. Kýrie, eléison. Kýrie, eléison
集祷文	Deus, indulgentiárum Dómine: da animábus famulórum famularúmque tuárum, quorum anniversárium depositiόνis diem commemorámus, refrigerií sedem, quiétis beatitúdinem et lúminis claritátem.
【司】聖書朗読 2 マカベ 12 :43-46	In diébus illis: Vir fortíssimus Judas, facta collatióne, duódecim mília drachmas argénti misit Jerosólymam, offérri pro peccátis mortuórum sacrificium, bene et religióse de resurrectióne cógitans (nisi enim eos, qui cecíderant, resurrectúros speráret,superfluum viderétur et vanum oráre pro mórtuis): et quia considerábat, quod hi, qui cum pietáte dormitióem accéperant, óptimam habérent repósitam grátiam. Sancta ergo et salúbris est cogitátió pro defunctis exoráre, ut a peccátis solvántur.
昇階唱	Réquiem ætérnam dona eis, Dómine: et lux perpétua lúceat eis. V. (Ps.111: 7) In memória ætérna erit justus: ab auditióne mala non timébit.
詠唱	Absólve, Dómine, ánimas ómnium fidélium defunctórum ab omni vínculo delictórum. V. Et grátia tua illis succurén-te, mereántur evádere judícium ultiónis. V. Et lucis ætérnæ beatitúdine pérfrui.
続唱	Dies iræ, dies illa,Solvét sæclum in favílla:Teste David cum Sibýlla. Quantus tremor est futúrus,Quando judex est ventúrus.Cuncta stricte discussúrus! Tuba, mirum spargens sonum,Per sepúlchra regiónum.Coget omnes ante thronum. Mors stupébit, et natúra,Cum resúrget creatúra,Judicánti responsúra. Liber scriptus proferétur.In quo totum continétur,Unde mundus judicétur. Judex ergo cum sedébit,Quidquid latet apparébit:Nil inúltum remanébit. Quid sum miser tunc dictúrus?Quem patrónum rogatúrus,Cum vix justus sit secúrus? Rex treméndæ majestátis,Qui salvándos salvas gratis,Salva me, fons pietátis. Recordáre, Jesu pie,Quod sum causa tuæ viæ: Ne me perdas illa die. Quærens me, sedísti lassus:Redemísti crucem passus:Tantus labor non sit cassus. Juste judex ultiónis,Donum fac remissiόνisAnte diem ratiónis. Ingemísco, tamquam reus:Culpa rubet vultus meus:Supplicánti parce, Deus.

	<p>Qui Mariám absolvísti, Et latrónem exaudísti, Mihi quoque spem dedísti.  Preces meæ non sunt dignæ: Sed tu bonus fac benígne. Ne perénni cremer igne.  Inter oves locum præsta, Et ab hædis me sequéstra, Státuens in parte dextra.  Confutátis maledíctis, Flammis ácribus addíctis: Voca me cum benedíctis.  Oro supplex, et acclínis, Cor contrítum quasi cinis: Gere curam mei finis.  Lacrymósa dies illa, Qua resúrget ex favílla,  Judicándus homo reus. Huic ergo parce, Deus:  Pie Jesu Dómine, Dona eis réquiem. Amen.</p>
【司】福音朗読 ヨハネ 6 :37-40	<p>In illo témpore: Dixit Jesus turbis Judæórum: Omne, quod dat mihi Pater, ad me véniet: et eum, qui venit ad me, non ejíciam foras: quia descéndi de cælo, non ut fáciam voluntátem meam, sed voluntátem ejus, qui misit me. Hæc est autem volúntas ejus, qui misit me, Patris: ut omne, quod dedit mihi, non perdam exeo, sed resúscitem illud in novíssimo die. Hæc est autem volúntas Patris mei, qui misit me: ut omnis, qui videt Fílium et credit in eum, hábeat vitam ætérnam, et ego resuscitábo eum in novíssimo die.</p>
奉献唱	<p>Dómine Jesu Christe, Rex glóriæ, líbera ánimas ómnium fidélium defunctórum de pœnis inférni, et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repræséntet eas in lucem sanctam: Quam olim Ábrahæ promisísti, et sémini ejus. V. Hóstias et preces tibi, Dómine, laudis offérimus: tu súscipe pro animábus illis, quarum hódie memóriam, fácimus: fac eas, Dómine, de morte transíre ad vitam. Quam olim Ábrahæ promisísti, et sémini ejus.</p>
【司】密唱	<p>Propitiáre, Dómine, supplicatióibus nostris, pro animábus famulórum famularúmque tuárum, quorum hódie ánnua dies ágitur: pro quibus tibi offérimus sacrificium laudis; ut eas Sanctórum tuórum consórtio sociáre dignéris.</p>
【司】序唱 死者の序唱	<p>Vere dignum et justum est, æquum et salutáre, nos tibi semper et ubíque grátias ágere: Dómine sancte, Pater omnípotens, ætérne Deus: per Christum Dóminum nostrum. In quo nobis spes beátæ resurrectiόνis effúlsit, ut quos contrístat certa moriéndi condítio, eósdem consolétur futúræ immortalitátis promíssio. Tuis enim fidélibus, Dómine, vita mutátur, non tóllitur, et dissolúta terréstris hujus incolátus dómo, ætérna in cælis habitátio comparátur. Et ídeo cum Ángelis et Archángelis, cum Thronis et Dominatióibus, cumque omni milítia cæléstis exércitus, hymnum glóriæ tuæ cánimus sine fine dicéntes:</p>
サントゥス	<p>Sanctus , Sanctus, Sanctus , Dóminus Deus Sábaoth. Pleni sunt cæli et terra glória tua. Hosánna in excélsis. Benedíctus qui venit in nómine Dómini. Hosánna in excélsis.</p>
アニュスデイ	<p>Agnus Déi, qui tóllis peccáta mundi: dóna éis réquiem.  Agnus Déi, qui tóllis peccáta mundi: dóna éis réquiem.</p>

	Agnus D�ei, qui t�ollis peccata mundi: dona eis requiem, sempiternam.
【司】主の祈り	Pater noster, qui es in caelis: Sanctificetur nomen tuum: Adveniat regnum tuum: Fiat voluntas tua, sicut in caelo, et in terra. Panem nostrum quotidianum da nobis hodie: Et dimitte nobis debita nostra, sicut et nos dimittimus debitoribus nostris. Et ne nos inducas in tentationem: (奉仕者) Sed libera nos a malo.
拝領唱	Lux aeterna luceat eis, Domine: Cum Sanctis tuis in aeternum: quia pius es. V. Requiem aeternam dona eis, Domine: et lux perpetua luceat eis. Cum Sanctis tuis in aeternum: quia pius es.
【司】聖体拝領後の祈り	Præsta, quæsumus, Domine: ut animæ famulorum famularumque tuarum, quorum anniversarium depositionis diem commemoramus; his purgatae sacrificiis, indulgentiampariter et requiem capiant sempiternam.